

山左金石志

山左金石志卷第十一

縣尚書都察院都御史兼湖廣等處巡撫使務兼提督前東巡撫王叔承
內閣學士兼都察院都御史兼提督前東巡撫王叔承

同撰

唐石

神通寺造象題字十八種

俱正書年月詳後在厯城縣神通寺千佛崖

一已殘泐凡十行存三十七字徑六分內有大唐武德云
云遂以爲諸題之冠一題大唐貞觀口八年僧明德造像
記亦殘泐凡九行存五十一字徑九分一上題顯慶二年
四字下列二行題南平長公主爲太宗文皇帝敬造象一
軀十六字徑七分案唐書公主傳太宗第三女南平公主
下嫁王敬直以累斥嶺南更嫁劉元意錢辛楣少詹云唐

制帝姊稱長公主南平蓋長于高宗矣船古文造字一題
大唐顯慶三年九月十五日齊州刺史上柱國駙馬都尉
渝國公劉元意敬造口像供養三行字徑一寸元意爲齊
州刺史可補史傳之闕一題大唐顯慶三年行青州刺史
清信佛弟子趙王福爲太宗文皇帝敬船彌陀像一軀願
四夷順命家国安寧法界衆生普登佛道六行字徑九分
案唐書趙王福有傳失書顯慶時行青州刺史以國爲國
唐初已然矣一題像主清信女段婆爲父母敬船一軀
一行字徑七分段婆卽段婆變體也一題元毛德供養德
妻田供養二行字徑八分一題李樹生敬船像一軀弟子
口口敬船像一軀二行字徑一寸一題恭礼聖像張直方
題一行字徑一寸一題陵感敬造彌陀像一軀一行字徑

九分陵字上當有缺泐一題像主劉操亡妹順妃供養二
行字徑九分一題高道邛爲比丘尼真海沙弥感師敬造
像一鋪普及法界衆生咸同斯福三行字徑九分一題大
唐顯慶三年僧明德敬造一行字徑一寸此種縣志遺之
一題像主前旅師上騎都尉劉君操供養二行字徑一寸
一題像主周世軌爲父母敬造口口二行字徑八分一題
像主王元亮被蠱魅得差船像設齋願合家平安法界衆
生成同斯福三行字徑八分一題文明元年四月口趙旼
妻羅爲亡母敬造石佛一軀六行字徑六分一題永淳二
年六月內爲天炎泐側近諸村史同王方口百餘人等於
明和尚所祈請遂蒙甘露族心設齋造像造經以口口
口口九行字徑六分泐卽泐字省文玉篇泐乾也

贈徐州都督房彥謙碑

貞觀五年三月立八分書篆額碑高一丈廣四尺二寸厚七寸在章印縣西南七十里趙山之陽

唐故徐州都督房公碑

額三行字徑三寸五分陽文

唐故都督徐州五州諸軍事徐州刺史臨淄定公房公碑銘并序

易稱易之爲書也有天道焉有人道焉故君子居則觀其象動則觀其變智以藏往感而遂通是以進退之數有方存亡之幾可○昔賈生董相懷王佐之才○卬○口○口○命世之迫○屯○迫於世故擯○口○當年軼風電以長鳴絕雲霓而鍛翻而樂天知命順時守道體忠信而夷險阻憑清靜以安悔吝雖迫川寂其浸遠而盛德久而愈新昔之玉質金相求益友於千載蘭○桂

覆想同氣於九原則有□□懷庶幾之道詳觀出處之跡可
以追蹤勝業繼踵清塵者其惟都督臨淄定公焉公諱彥謙字
孝冲清河人也七世祖譙燕太尉掾隨慕容氏□度寓於齊土
宋元嘉中分□郡之西部置東冀州東清□□繹幕縣仍爲此
郡縣人至於隋侯又於東廣川郡別立武強縣令子孫居之丹
陵誕聖祥發慶靈虞舜受□光啓侯服導原注壑若寫河漢之
流竦構干雲如仰嵩華之峻□□植公之十三世祖也積德
固其宗祊純嘏貽其長世公侯之門必復繁衍之祚攸歸高祖
法壽宋大明中州主簿武賁中郎將魏郡太守立功歸魏封莊
武侯使持節龍驤將軍東冀州刺史薨贈□□青州刺史謚
商侯魏書有列傳重價香名馳聲南北宏材祕略兼姿文武曾
祖伯祖州主簿饒爵莊武侯齊郡內史幽州長史□行州事衣

○訓俗露冕懷戎累仁義而成基處脂膏而不潤祖翼年十六
郡辟功曹州辟主簿襲爵莊武伯宋安太守居繼母憂廬於墓
次世承冢嫡之重門貽旌表之貺鄉閭之敬有過知恥宗族所
尊不口而肅口伯熊年廿辟開府行參軍仍行口州清河廣川
二郡太守口口神英邁器量沈遠寢門之內捧檄以慰晨昏山
澤之間單車以清寇亂公稟元精之和氣體倬粹之淑靈心運
天機性與道合溫良恭儉應言行之口神采風尚出儀形之表
博極圖書口綜遺逸正經義口時所畱懷絕簡研幾下帷覃思
盡探閭隩畢詣精微或致元白之譏非止春秋之僻吉凶禮制
今古異同莫不窮厥根口詳悉指要內口親表達之學徒負笈
擁帚質疑去惑公凝神口函丈無倦聲口口山谷對盈自
遷定齊土家已重世班臺十紀旌旗之盛未多陳完八葉鳴鳳

之祥斯在況復里稱冠蓋庭茂芝蘭行則結口連騎居則撞鐘
列鼎雖范蠡貨財本輕卿相陰家僕口舊比封君口之口口公
閑心閑館以風素自居清虛味道沉冥冥欲恭敬以擗節退讓
以明禮潛隱之操始擅於州閭高亮之風日聞於海內於是羣
公仰德邦君致禮物口斯辯旌口盈塗郡三辟功曹州口辟主
簿其後口口口而從命公明天人之際述堯舜之道其處也將
委質於衆妙之門栖神不死之地其出也將宏聲名教博利生
民舟楫可期英靈有屬州郡口職口其志焉然公以周隋禪代
之交紀綱弛紊亦既從政便以治亂爲懷眷言州壤在情彌切
乃整齊風俗申明獄訟進善黜惡導德齊禮雖在鄉國若處王
朝政教嚴明吏口悅伏見危拯難臨財潔已利物之口不自爲
德不貪之實必畏人知開皇初頻詔搜揚人物春王出口京洛

致書辟召州縣竝苦相敦逼公辭以痼疾且得遂情偃仰其後
隋文帝忌憚英俊不許晦跡邛園公且口維繫方應薦舉七年
始入京省授吏部承奉郎是時齊朝資蔭不復稱敘鼎貴高門
俱從九品釋褐朝廷以公望實之重才藝之優故別有此授以
明則哲之舉俄遷監察御史每杖節巡省糾盜惡心存口口
口口口轉授秦州總管錄事參軍事漢陽重鎮京輔戶門管
轄一方允斯盛選尋以朝集入京與左僕射齊公總論孝課之
法黜陟之方齊公對岳牧以下大相歎伏其後具以公言敷奏
仍有十擢之辟口非知口口主竟不能見用口遷許州長葛縣
令公鎮之以清靜文之以禮樂訟以道息災因德頌百姓感悅
咸不忍欺愛之如慈親焉敬之如明神焉緱負知歸頌聲載路
解代之後吏民追思惠政樹碑頌德在長葛秩未滿以考績口

異遷都州司馬此州荆鄧之郊華夷跡雜口俗殘穢口情儉駁
公化之以仁愛敦之以淳厚期月之間咸知遷革尋以州廢解
任言歸夜觀星象叢察人事知天地之將閉望箕穎以載懷乃
於口山之陰結構巖穴非唯在乎避世固亦潛以相時然大業
之初始班新令妙選賢良爲司隸刺史公首膺斯舉有詔追赴
京洛公以朝綱浸以頽壞此職亦是宏濟之一方便起而就徵
覽轡登車卽有激清天下之志於是激濁揚清風馳草偃行能
之類望景以聽升遷苛暴之徒承風而解印綬進擢者縻爵不
致謝言繩紃者受刑而無怨色自非道在至公信以被物其孰
能與於此焉旣而口政陵夷小人道長忠言靡用正士無施大
業十一年出爲涇陽縣令未幾而遭疾卒以其年歲次乙亥五
月壬辰朔十五日景午終於官舍春秋六十有九降生一子光

輔 帝唐叶贊珽參調玉燭

皇上情深遺烈同口想

於夷門眷言才子便有懷於袁煥貞觀三年十有二月廼下

詔曰紀功褒德列代通典崇禮飭終著在方策隋故司隸刺史房彥謙世襲管纓珪璋特秀溫恭好古明閑治術爰在隋季時屬卷懷未遂通塗奄從運往以忠訓子義口過庭佐命朝端業隆功茂宜錫以連率光被九原可贈使持節都督徐泗仁譙沂五州諸軍事徐州刺史四年十一月又發 詔追封臨淄公食邑一千戶諡曰定公禮也粁以五年歲次辛卯三月庚申朔趙二日辛酉安措於本鄉齊州亭山縣趙山之陽惟公風格凝整神理沉邃內懷溫潤外照光景追思儀範曠似文成之圖邈想風口懷若相如之氣時逢戰爭術益從橫或恥問仁用安嘉邇收文武之將墜殊山林而忘反是故鉞聲貴里隱異迷邦嚴嘯

高門處非絕俗優柔六藝紛綸百氏采絕代之闕文總前脩之
博物雖昔口明實口口口識疏屬之神辨口鼠於漢朝彰委蛇
於霸業無以尙也彫蟲小技曾未口懷時有制述將符作者致
極宏遠詞窮典麗足以克諧聲律感召風雲豈唯白雪陽春郢
中窻和而已未惟書契之口口口口口口跡草隸之妙冠絕當
時口口少年孝友惇至未離繼祿便遭極罰裁有所識口訪家
人發言號絕不自勝處年十有五出後傍宗深惟鞠養之慈將
闕晨昏之禮辭違之辰感切行路及就養口口不異所生兩門
喪紀竝逾制度哀毀之至聲被朝野口以期功之感甘旨未嘗
朋友之喪遠近畢赴人倫之紀禮法之隆近古以來未之有也
且復畱連宴賞提攜臭味登山臨水必動咏言清風朗月口口
口口口口滿席且得口口之孫門口口通時許慈口之御指囷

無倦解京未已仁義口厚資產屢空以斯器望窮茲至道謂宜
俯拾青紫增曜台階而止類太邱宏道下邑遽同子產空聞遺
愛報施之理何其爽歟若夫死生者形骸之勞息死壽者大化
之自然固知命之不憂豈居常而爲累也然行周於物寒暑不
能易其心智周於身變通不能窮其數而靈祇多忍幽明永隔
散精氣於風烟委容質於泉壤可不哀哉於是四方同志之士
百里懷音之客式遵盛烈共勒豐碑百藥爰以疇昔矣遊蘭芷
寧謂正始之音一朝長謝師資之德百舍無從義絕賓階哀纏
宿草思效薄技覲申萬一仰惟治身之術立德之基固繫辭可
以盡言豈言之而無媿也廼爲銘序

遐觀方冊歷邈人倫名固難假德必有鄰顏閔遺迹曾史芳塵
同聲比義允屬通人於錄通人口口膺慶司空規矩民胥彼訓

地靈胎福天齊分命世祚有徵重光無競顯允君子丕承寵光
靈河擢秀日觀含章元門味道幽谷迷方陸沉通德朝隱康莊
儀鳳潛靈彫龍振藻宏之在人一變至道昭章口訓寂寥元草
文質彬彬波瀾浩浩齊物無待隨時吐曜導俗激原訓民居要
州將貽喜邦君長嘯乃眷韜鈴還歸漁釣三逕雖阻八紘方密
僂俛末班逶迤下秩司憲邑宰循名責實御衆以寬在刑惟恤
履斯異行乘口丕基才高位下有志無時和光偶俗誕命膺期
口揚投賈唯茲在茲樹德不已蹈仁無默遺構有憑高門以闢
眷言上壽方期永錫載佇太階翻歸厚夕義高表墓道貴揚名
式故昭文物用紀哀榮拙簪故吏制服諸生一刊圖石口口飛

聲

碑陰

公之將葬 恩旨重疊贈贈優渥□□□公及夫人竝令所
司營造馬舉各給四馬從京師洛陽殯所送至本鄉其車輅儀
仗出懷洛二州給船載運□道□力至於墓所儀從錢□有闕
□者□□又發勅令以官物修補又文官式令例無鼓角亦特
給送至於葬所又於常令給墓夫之外別加兵千功役臨葬□
復降 勅使馳驛祭以少牢并後爲供葬事發

勅旨行筆十有二條近代以來

恩榮褒贈未有若此者也中外姻戚海內名士并故吏門生千
里赴會□及州里道俗二千餘人

碑側

太子左庶子安平男李百藥撰

太子□□□□□歐陽詢書

貞觀五年三月二日樹

右碑文三十六行行七十八字徑八分第二行損口口當年句脫一字末行式昭文物句多一故字碑陰題字十五行行十三字徑一寸五分碑側題字三行字徑一寸四分餘文云彥謙七世祖諡燕太尉掾隨慕容氏南度寓於齊土宋元嘉中分齊郡之西部置東冀州東清河郡繹幕縣仍爲此郡縣人案宋書州郡志文帝元嘉九年分青州立歷城割土置郡縣文帝本紀九年六月分青州置冀州元和郡縣志皆不載東冀州攷志言立歷城卽冀州治所也歷城在青州之西又在冀州東故云置東冀州與宋書轉相證明矣此云東清河郡而志有南清河太守當是東字之訛也碑云植公之十三世祖者宰相世系表植後漢司空

改後漢書桓帝紀永興元年冬十月光祿勳房植爲司空
植卽其名也碑云曾祖伯祖州主簿齊郡內史幽州長史
口行州事魏書本傳歷齊郡內史平原相轉幽州輔國長
史而隋書彥謙傳載此稱齊郡平原二郡太守據碑言行
州事則攝太守耳非正官也平原亦非幽州是傳不如碑
之實也彥謙歷官所載多與傳合惟傳稱大唐馭宇追贈
徐州都督臨淄縣公未實其歲月以碑證之貞觀三年十
二月下詔贈使持節都督徐泗仁譙沂五州諸軍事徐州
刺史四年十一月又發詔追封臨淄公也趙氏金石錄云
彥謙自曾祖而下三世皆封壯武侯隋唐史元齡所書皆
同此碑作莊武未知孰是案壯與莊古皆通用趙氏殆未
細審也碑陰記載贈贈會葬之盛皆近代所無其云文官

式令例無鼓角亦特給送至於葬所攷舊唐書音樂志云
五品官婚葬先無鼓吹唯京官五品得借四品鼓吹彥謙
在隋官終涇陽縣令又非京官得借之例故云特給也其
卒在大業十一年至貞觀五年三月葬當時依唐令典如
是碑側記立碑年月并李百藥撰文歐陽詢八分書爲著
錄家所未見尤可寶也

岱嶽觀題名碑

凡二石有額俗名鴛鴦碑俱高六尺二寸廣一尺五寸四
分厚七寸題字三十四段年月書體詳後在泰安縣泰山
下老君堂內

一題顯慶六年二月廿二日勅使東岳先生郭行真弟子
陳蘭茂等造像記五行正書徑九分在首幅第一列之右

一題大周萬歲通而貳年歲次丁酉東明觀三洞道士孫
文儁造像記六行正書大小不一在首幅第一列之左

一題久視二聖太歲辛丑口匝乙亥朔二日丙子神都青
元觀主麻慈力齋醮記七行正書徑六分後又題祇承官
銜名小楷二行下半殘闕在首幅第二列之右

一題儀鳳三年三月三日大洞主法師葉口善造像記三
行正書大小不一在首幅第二列之左

一題大周長安四聖歲次甲辰十一匝癸未朔十五日丁
酉口口觀儀師邢虛應法師阮孝波齋醮造像記九行正
書徑五分後又題俗獄觀主倫虛白及專當官銜名凡四
行正書大小不一在首幅第三列

一題大歷八年歲次癸丑九月癸酉朔廿八日脩功德中

使正議大夫守內侍省內侍官□□等題字十五行自左至右正書大小不等在首幅第四列

一題大周而祿二垂歲次辛卯二④癸卯朔十⑤壬子金臺觀主中岳先生馬元貞設醮造像記十行正書徑一寸後又題宣德郎行兗州都督府倉曹參軍事李叔度一行正書徑四分別有一外字在首行下疑當時押記在次幅第一列

一題長安元垂歲次辛丑十二⑥己亥朔廿三⑦辛酉道士金臺觀主趙敬等齋醮造像記十一行正書徑八分後又題專當官等銜名四行正書大小不等末有詹字未詳在次幅第二列

一題大唐神龍元年歲次乙巳三月庚辰朔廿八日丁未

大宏道觀法師阮孝波等齋醮記末題給事郎試太子中允劉琇良書凡九行正書徑五分之次幅第三列之右

一題檢校尚書駕部郎中使持節都督兗州諸軍事兼兗州刺史侍御史充本州團練使任要貞元十四年正月十一日立春祭嶽遂登太平頂宿其年十二月廿二日立春再來致祭茶宴于茲同遊詩客京兆韋淇云云凡六行自左至右正書徑六分之次幅第三列之左案是年閏五月故兩度立春

一題大唐景龍二年歲在戊申二月甲子朔十二日乙亥設醮記九行正書徑五分之次截殘闕是記景龍二年齋醮薦璧之事末行作韻語太山巖巖兮陵紫雲中有羣仙兮乘白雲陳金荐璧兮闕惜未得記頌原委也在次幅第四

列之右

一題臘月中與韋戶曹遊發生洞徘徊之際見雙白蝙蝠
三飛洞口時多異之同爲口號 任要 山翠凝雲洞洞
深元想微一雙白蝙蝠口度向明口雖言有兩翅了自無
毛衣若非飽石髓那得流口口偶見歸堪說殊勝不見歸
同前 韋洪 欲驗發生洞先開冰雪行窺臨見二翼
色異飛無口狀類白蝙蝠幽感騰化精應知五馬來啓蟄
口春榮露冕口之久鳴騶還慰情詩二首凡入行行書徑
七分在次幅第四列之左 以上第一石題字十二種

一題大周璽麻元垂歲次戊戌臘⑤癸巳朔貳⑥甲午大
宏道觀主桓道彥造像記九行正書徑七分後有兖州團
練使都虞候銀青光祿大夫試衛尉卿上柱國高晃兖州

圖練使押牙忠武將軍守左武衛大將軍上柱國趙俊專
當官博城縣尉李嘉應銜名五行左讀亦正書徑七分在
首幅第一列

一題大周長安肆季歲次甲辰玖匝甲申朔朔○辛卯勅
使內供奉襄州神武縣雲表親主元都大洞參景弟子中
岳先生周元度齋醮記十一行後有專當官朝散郎行參
軍燧煌張浚并書及專當官文林郎守博城縣主簿韓仁
忠專當官宣德郎行□□□劉元機銜名三行俱正書徑
六分在首幅第二列

一題大唐景雲二年歲次辛亥八月癸卯朔十四日景辰
蒲州丹崖觀上坐呂結仙云云後有朝議郎行倉曹參軍
陸大鵬朝議郎行兵曹參軍高岐通直郎行參軍袁幹時

宣義郎行瑗邳縣丞裴過等奉都督齊國公崔處分令此起居呂尊師時屬仲秋謹題斯記十二行正書徑六分在首幅第三列

一題大唐大曆七年太歲壬子正月癸未朔廿三日乙巳奉勅於岱岳觀脩金錄齋醮云云三行正書徑一寸後有修功德中使內侍魏成信等銜名九行正書大小不一在首幅第四列

一題鴻臚少卿口偃等銜名九行正書徑一寸二分下截殘闕在首幅第五列

一題大唐景龍三年歲次己酉三月戊午朔十九日景子奉勅令豫州龍興觀主杜太素等齋醮記十三行後有戶曹盧述口等銜名三行俱正書徑六分在次幅第一列

一題景雲二年六月二十三日皇帝敬憑太清觀道士楊
太希於名山斫燒香供養惟靈蘊秘凝真含陶綜妙類高
旻之亭育同厚載之陶鈞著洩烟雲蔽虧日月五芝標秀
八桂流芳翠嶺万尋青溪千刃蜺裳戾止恆爲碧落之庭
鶴駕來遊卽是玉京之域百祥覃於遠邇五福被於黎元
往帝所以馳心前王由其載憑朕恭膺寶位嗣守昌圖恐
百姓之不寧慮八方之未泰式陳香薦用表深衷冀明
靈降茲休祉所願從今以後浹寓常安朕躬男女六姻永
保如山之壽國朝官寮萬姓長苻擊壤之歡魚鳥遂性于
飛沉夷狄歸心於邊徼實希靈鑒用副翹誠今因練師遣
此朶悉凡十二行正書徑五分在次幅第二列之右此睿
宗手勅也詞句工麗因全載之

一題開元十九年十一月都大宏道觀主張遊移京黃龍
觀大德楊琬及專當官朝散郎曲阜主簿上官賓登仕郎
軋封縣尉王去非題名四行正書大小不等在次幅第二
列之左

一題歲六月我皇有意於神仙勅使正議大夫內給事梁
思隨寺伯俱元明等修廟之詞又云嘗未浹日厥功已成
末有開元八年歲次庚申七月壬子朔廿日辛未畢此功
也凡十五行另一行題□□尉攝此縣盧煥八字俱正書
徑七分在次幅第三列

一題淄川刺史王圓□□□□徇山人王□字大歷十四
年二月廿七日同登泰嶽云云末有驅使官樂壤題記七
行正書徑六分在次幅第四列之右

一題開元廿年二月口口勅使內侍省內謁者監胡寂判
官掖庭局監作審君愛口上騎都尉王元口專知官登仕
郎行軋封縣尉王去非凡五行左讀正書徑八分在次幅
第四列之左

一題祭岳使亞獻觀察終獻禮部等銜十行姓名皆闕末
行存建中元年四字正書徑一寸餘在次幅第五列第二

石題字
十二種

一首行題晉二字及早春陪勅使麻先生祭岳行博城
縣令馬友鹿云云次行詩云我皇盛文物道化而基先鞭
捷造神鬼玉帛禮山川忽下元洲使來赴紫洞前青羊得
處所白鶴惟時還虔懇飛龍記昭彰化鳥篇巖風半山水
墟氣總雲烟虬抱口中霞明五色亦山橫翠微外宇臨

綠蘿邊侵碁灰團暖焚林火欲然
羣光著草樹春色換山泉伊水來何
○嵩巖去幾千山對小而下壘是會神
仙棗令乘鳧入浮邱駕鶴旋麻姑幾
垂歲三見海成田凡五行正書徑八分
在上列

一題平盧□□支度判官中大夫檢校尚書工部郎中兼侍御史敬
德節度押牙中大夫試殿中監馮珣山

人呂滔文林郎守充府兵曹參軍田浩文林郎任城縣尉高鏗朝散大夫行任城縣令權知乾封縣令楊序節度驅使官朝散郎試光祿寺主簿明幹唐建中元年二月廿九日同□□□因訪瑤池故志之凡六行正書徑五分在下列
以上第一側
題字二段

一題徂徠山人高季良岱嶽山人王寓渤海高暉岱嶽觀

上座董太虛岱嶽寺主良素四行行書徑一寸二分在第一列書法超逸得右軍遺意

二題戶曹參軍魏嘉禮檢校齊解張寰觀主趙元監齋許林齊仁王瑤王希疇五行正書大小不等末有舛字押記與前同在第二列

一首行題五言二字及贈諸法師宜義郎行博城縣丞公孫杲云云次行詩云駕鶴排虹霧乘鸞入紫烟凌晨味譚菊薄暮玩峰蓮玉葉低梁下金颺引憲前嘯傲雲霞際留情鱗羽年五行正書徑七分潭字作譚書法秀勁有法末又一行題大庾七年正月廿五日□□文來記十四字字體不類乃續題也在第三列

一題乾封縣令劉難石□潘仙觀岳守鄆州盧縣丞

知岱嶽令畢從勸羊希復天師下行官邊阿秀張友朝大
道弟子鄭仙芝岱嶽觀主道士趙昌元使下行劉伯川凡
五行字體參差疑非一時所刻也在第四列

一題萬歲觀主道士□□□上清元都大洞三景弟下屬

真君廟院主檢校道門道士卜皓岱嶽觀三洞法師王□
凡五行正書徑七分在第五列

一題長清董元康權宰奉高受代將歸同王彥文遊政和
甲午重九日崇道繼至凡七行字徑一寸在上層空處宋
人題名因增於後以上第二側題字六段

一額面題轉運使尙書工部郎中宋禧因巡歷遊岱嶽觀
皇祐四年三月二十有二日題時奉符宰殿省丞張周偕
行凡八行正書徑八分

一額面題州從事李陟因幹事至邑率巡山供奉何懷智
前巡山侍禁李安襲耶簿胡稷臣符離進士張琰屢遊時
皇祐壬辰歲仲夏月十有一日陟題石觀主王歸德道士
李若清凡九行正書徑五分末二行字較小

右雙碑合而爲一以石束之凡四幅及碑側碑額題字三
十四段文字大小參差不一顧亭林金石文字記云碑凡

大周年者天作而地作聖人作至聖作聖臣作愚年作重
月作⑤亦作⑥顧會以⑥爲生字誤考此碑日作⑦星作

○正作⑧授作⑨及顧陵碑⑨字並是月字初作⑩唯⑪辰字無可攷疑是

應字凡數字壹貳叁肆捌玖等字皆武后所改及自制字

其壁麻年記有云設金籙寶齋河圖大隲祭⑫泰古七字

太元經元籙曰運諸泰政元梘曰梘擬之二泰方言曰吳

有茶娥之臺

晉東晉元居釋夕宿七娥之房

王莽候鉦銘重五十茶斤是

也後人不知妄於左旁添鑿三點淺而大又稍偏知非一

筆

唐碑書七字亦有作漆者今隸子書周公旦朝讀書百篇夕見漆十士張參五經文字七作漆後人省筆作柒

柒卽漆之草書趙古則謂以七漆二字合成造之非也山海經剛山多柒木水經注漆水下有柒縣柒渠柒溪字皆作柒今作柒

又柒之省

武虛谷云文中數目字作壹貳叁肆捌玖等

字亭林謂皆武后所改又証以演繁露謂古已竝作此字

唯古文經史凡書千百之字無有用阡陌之阡伯叔之伯

者以余攷此書阡陌字經或無文然記傳蓋有之矣管子

四時篇修封疆正千伯注千伯卽阡陌也董仲舒云富者

連田千伯過秦論起仟伯之中漢書食貨志商君壞井田

開仟伯此數字雖不專以數目言然仟伯與阡陌古亦同

用至志下文云商賈亡農夫之苦有仟伯之得師古曰仟

謂仵錢伯爲伯錢則數目字亦作仵伯如是見於史者非

其徵與

周書克殷解命南宮百達遷九鼎楊用修云百達卽伯達百與伯亦同用

又顧氏引冊

府元龜文宗大和二年十月詔太后所撰十二字竝却書

其本字今案景龍以後碑誌之文固皆書其本字矣不知

何以復有此詔予檢容齋隨筆唐中宗旣流殺五王再復

武氏陵廟右補闕權若訥上疏以爲天地日月等字皆則

天能事賊臣敬暉輕紊前規削之無益于淳化存之有光

於孝理疏奉手制褒美據此則僞撰字已復行至文宗乃

見於詔文始以掃除其跡耳顧氏殆亦未之詳也與

元案

此碑著錄自國朝顧亭林始予至山左更搜拓全本較

顧爲多內稱大歷十四年二月廿七日同登泰岳爲淄川

刺史王圓案天寶元年改刺史爲太守此當大歷時稱刺

史由至德二載官名復舊也又建中元年二月有節度判
官中大夫檢校尚書工部郎中兼侍御史敬審見唐書宰
相世系表容建州刺史書審爲審表誤也又有朝散大夫
行任城縣令權知乾封縣令楊序序亦見表觀王房但未
著其歷官亦有闕漏也又有文林郎守充府兵曹參軍充
州爲大都督府故有府稱其稱節度驅使官者藩鎮自所
署置威權移於此矣顧氏自述來遊數四募人發地得其
全文今元更爲補遺如此益嘆搜奇難盡也

王知慎等題名

乾封元年二月刻正書崖高三尺八寸廣二尺六寸在泰
安縣岱頂仰天洞西

第一行模
糊不能識

判官兼□□羽儀作官府寺丞王知慎

城作坊檢校造封禪□御作布政府□□幹信□宣德郎行

官門整備大

闕下

行內府監主簿王知敬

兵

闕下

道內府監錄事左君植

左

闕下

□中尙監作呂鐵拴

闕下

上

闕

皇甫瞻

主簿敬孝友

□□司戶許行真

高陵縣主

闕下

判官郊社令陟□□

行□官署令上□□貞

掌□事李

闕下

紀□張統師

乾封元年二月一日記

上

闕

西臺主書□都尉王行直馮承素孫表□

上

闕

□乾封元年□月十五日從

祭至此故記

上闕 乾封元年二月十日奉 勅投龍璧於介丘記

上闕 少監口口智

下闕

上闕 令崔元泰

下闕

倚岳令牛成

右題名俱爲明人加刻之字所掩細爲諦審僅錄如右案
舊唐書高宗紀麟德三年春正月戊辰朔車馬至泰山頓
壬申御朝觀壇受朝賀改麟德三年爲乾封元年意此皆
從封諸臣故有官府寺丞檢校造封禪行宮門整備大使
等官也行內府監主簿王知敬見新唐書王友貞傳云父
知敬善隸武后時仕爲麟臺少監者卽其人也又西臺主
書口都尉王行真者案職官志龍朔改中書省爲西臺其
屬中書舍人下有主書四人卽此西臺主書也又有奉勅

投龍壁於介邛者一人投壁似卽封礪瘞王之事益都雲
門山有北海太守趙居貞投龍詩碑序云趙居貞登雲門
山投金龍環壁奉爲開元天地大寶聖文神武皇帝祈福
也事與此同服虔漢書注云介大也邛山也介邛猶言太
山也諸人姓名王知慎居前故取以冠題

劉仁願等題名

乾封元年二月刻正書崖高三尺六寸廣二尺在泰安縣
岱頂仰天洞

□□衛將軍魯成縣開國公上柱國劉仁願潁川郡夫人陳大
□□□出身□□二男懷瓚任引文館學生女一人新婦寶二
新婦于

乾封元年二月十九日上記

盤陀 排兒 高益富 呂小隴 奉母聶阿稔 笙博士
小奴

右題名亦爲明人刻字所掩笙博士乃專業者之名亦起於唐如大歷同光禪師塔銘有造塔博士皆此類也

贈秦師孔宣公碑

乾封元年立并陰俱八分書篆額碑高一丈八寸廣三尺八寸在曲阜縣孔廟大成門前南第三樓內

大唐贈秦師魯先聖孔宣尼碑

額四行字徑三寸二分兩旁人物畫像極工細

大唐贈秦師魯國孔宣公碑

祕書少監通事舍人內供奉

臣崔行功奉

勅撰文奉

勅直祕書行祕省書學博士

臣孫師範書

臣聞彤氣肇分宗匠之塗遂廣性情已著名教之理攸興是故

雕刻爲妙物之先粉澤成真宰之用若其聘語弃智則聖非攘
臂之端莊寄齊諧禮必因心之範雖九流爭長百家競逐而宗
旨所歸典墳取俊夫軒義已謝子奴迭徵步驟殊方質文異轍
及流釐起譟箕服傳詠憲章版蕩風雅淪喪然而千齡接聖崇
朝可期五百見賢伏柯未遠粵惟上哲降生圯運理接化先德
充造物財成教義彌綸之跡已周組織心靈範圍之功且峻利
仁以濟幽顯坐訓以霑動植自歎起臨川道窮反袂西峰炎王
幾燼蒼山東野柔桑多塵碧海屬混元再造休明一期雅頌之
音復聞郊禋之禮還緝跨巢胥之逸軌邁龍鳥之遐風瞻白雲
而升介邱翼蒼螭而過沂上而令千祀之外典冊遂隆九臬之
下哀榮方縟斯廼命爲卑說道不預謀豈如箕山之魂空成寂
漠信陵之墓徒復經過將知龍蛇之蟄潛契於天壤聖智所遊

高懸於日月言之不可極其唯孔泰師乎泰師諱邱字仲尼魯國鄆人有殷之苗裔也分於宋則孔父嘉爲大司馬弗父何以國讓其弟厲公正考父佐戴武宣而受三命居於魯則有防叔伯夏叔梁紇紇生泰師若夫天命元鳥王筐隆其濬哲瑞啓白狼瑤臺繁其錫類武王覆夏仍遷象物之金有客在周復秦葉林之樂茲恭喻尸臣之鼎高讓挹延吳之風令緒昌源煥乎已遠至如象緯疑質則傳說巫咸當華降神而申伯吉甫在於郊臨巨跡鬱符中野之口水帶邱阿遙均反宇之慶韞乾坤之精粹陶陰陽之淑靈度九圍十河目海口放勛文命有喩於儀彤子產臯繇微詳於具體孟孫言其將聖泰宰辯其多能神關繫表性與道合時初撰履已訓魯卿年未喪口先窺周室猶且學期上達業遵下問龍如歲史或訪禮經碧准蓂宏言詢易象曲

臺相圖廣陳掛讓之容師摯師襄屢辯興亡之極因羅六藝經緯十倫加以思入無方情該至蹟陳庭矢集懸驗遠飛季井泉開冥口幽惟新萍汎日能對於楚賔舊骨淪風旋訓於越使藏往知來之際微妙元通之旨不可以龜策求不可以筌蹄得及其舉聞曲阜南官展師資之敬應務中都西降化諸侯之凜冬官效職五土得其攸宜秋令克宣兩觀展其刑政溝疏墓道且抑季桓田歸汶陽遂凌齊景尊君卑臣之訓自家荆國之術每惆悵於興周亦畱連於韶管然而高旻不惠彼日浸微起哀怨於王風絕歸飛於鳴鳥是邦可化斯道欲行暖席興憂問津匪倦俎豆嘗說空及三軍之容季孟有言不接雙雞之膳晏平推士尙或相排子西讓王終成見拒亦有宋朝司馬喬木難休衛國匡人逆旅焚次荷賁微者翻嗟擊磬之心儀封細人潛明木

鐸之意既而在斯興感用輟棲遑狂簡斐然彌嗟穿鑿旋驗舊
館掃筵闕里杏壇居寂縉林地幽知十稔微得二承妙研升所
載方閱舊文雕鳩在篇遍詳雅什河漢執鼓鏗鏘之響復傳宗
廟衣裳升降之儀還序博約無倦誘喻多方后稷躬耕近關勵
物伯夷餒死猶可激貪周公其人則神交於夢想管仲小器歎
微之於征伐信立德立言泰上謂之不朽曰仁與義前哲以之
周旋覆篑爲山喻天階而不陟讀易無過假日蝕以鳴謙茨嶺
峒山寄言於獨善口情風御未涉於通莊妙臻數極作倖易簡
是知縫掖迺兼濟之塗華袞非爲政之要及其愚智齊泝椿菌
如一南楚狂狷舊辯鳳衰東魯陪臣奄成麟斃晨興負杖知命
發於話言夕寐奠楹將萎傷其渣慮崇山□□□□下而無由
隕石沉星架大梁而何有門人議服俱纏至極之哀國史制詞

孔錫愁遺之誅及埏深夏屋樹列遠方五勝迭遷六籍無准席
間初間已舛微言入室且分造乖大義秦人蛙沸遺爐翳然漢
代龍驤挾書未翦元封有述殘闕載陳甘露嗣蹤搜揚復起春
陵受命先訪於膠庠譙郡膺符多招於文學逮江馬南度泉鵝
北飛鵠入環林鯨衝聖海有隨交喪中原翦覆東序南雍鞠爲
茂草六樂五禮皆從燬室欽若

皇唐肇膺明命

祖武宗文之業天成地平之勳圖書

因樂推重干戈由寧亂集剗舟創浮芹藻之詩先達戎衣初卷
羽箭之節旋興

皇上以聖敬而撫璇圖

文明而

膺寶麻夏口挹口光兆姬誦讓其惟清化入龍沙風移隄海金
邱殷賡瓊田薦驟潛馬飾黃芝之封浮龜吐綠文之牆虞庠殷
塾廣賓龍叟蓬嶺石渠朋延惇海垂衣裳而凝想虛

疏續

以永懷至於大道浸微小康遂往羸譏紫□□曉云阿劉風白金徒選高里黃初正始時多間然建武永平業非盡善而廼作樂崇德殷薦之禮畢陳有孚載容觀下之訓齊設肆類羣望孝享之義益隆歸功三后尊祖之誠逾切詔寰中而徵

萬王詔□□□召百靈一茅分茹雙鶴共羽翠華遠昇結席虛位上帝儲祉泰壹有暉山祇傳聲海神會氣九皇之況榮

可嗣三代之闕典還屬廼使朱鳥詳日蒼威戒路七萃騰景入懸鏘風過大庭以省方掩洙上而□□□居莫辯祠堂歸然見馬巖於荒墳識機檀於古堤歎重泉之可作聞盛德而必祀言敷典訓廣命杼材贈以泰師式旌幽壤改製神宇是光令德于時皇唐之御天下四十有九載卽乾封之元年也攝提□歲句芒獻節兗州都督霍王元軌大啓藩維肅承綸誥凡徒揆

日疏閑薙遠接泮林之舊境削靈光之前殿徂來新甫伐喬木而韻流嚶岱映泗濱採恠石而喧浮磬頽紫施絢黝黛飛文杏拱重櫺春窻秋幌陰欄積霧複閣懷煙几仍度室席邀函丈喜宮澹然眸容有穆至如襄城有訪七聖接其駢駢汾水言遊四子冥其衡概將謂布衣黃屋名器則殊卷領素王感召宜一顏子侍側似發農山之談季路承間如興浮海之說西華束帶尙以要賓言偃楊衷猶爲得禮避席延其不敏捨瑟聽其幽情共列昇堂齊參觀奧歲時蘋藻復雜昌蒲平日絃歌還聞絲竹

皇儲一德聿隆三善博望邀裾肅成講義發揮鎔造幽贊事業而以周穆之觴王母尙勒西弁漢帝之展稷卨因書東嶽遂廼思建隆碣上聞 天辰言由國本理會 冲情副宸宮之德聲命芸閣以綢頌元堂間兮神靈優揚教思兮兩儀配屬

皇綱兮融 帝載堯可履兮舜爲佩畫而明兮夜而晦于嗟業
兮履萬代其詞曰 赫赫上帝悠悠天

造神集鴻名聖居大寶循性稱教率性爲道政若鎔金化作偃
草 爰畫先起律呂創陳禮節天地樂和人神成期用簡業尙
日新絳無聲臭騰有彝倫 水火朝變憲章時革周廟傷禾殷
墟悲交喪豔紕雅廟荷淪蹟散亂記言支離方冊 自天生德
由縱成能賓筵恪嗣銘鼎家承爵龍運舛振鐸冥膺闕典攸緝
斯文載興 廣訓三千徧千七十歷階東會藏書西入楚將分
社齊聞與邑接輿自狂長沮空執 在智伊妙惟神迺幾羊因
魯觸鳥向陳飛邠傳頌管編照書韋卜商承絢顏子參微 堯
則不追昌亦遂往名教潛發心靈汎獎德配乾坤業暉辰象麟
悴遙泣山隕憂仰 三統昌日千齡 聖期禮宗有吳展禮崇

基觀宣時邁神緘孝思絳螭承軌翠鳳翻旗上浮龜蒙遙集

鄒魯翹勤真跡惆悵今古舊壁迷字荒墳翳斧綸賁宗師

詔緝靈宇虹梁野構羣翼林舒雕櫨繡栢圓井方疏沂童浴

早泮鳥鳴初俎豆蠲絜丹青藹如墨檢前蹤莊放遺轍於昭

遐訓允歸聖烈肅穆仁祠陰沉像設隨四序以潛運懸三光而

不跌

碑陰

大唐武德九年十二月廿九日下

太宗文武聖皇帝詔曰宣尼以大聖之德天縱多能王道籍以
裁成人倫資其教義故孟軻稱生人以來一人而已自漢氏馭
歷魏室分區爰及晉朝暨于隨代咸相崇尚用存享祀朕欽若
前王憲章故實親師宗聖是所庶幾存亡繼絕抑惟通典可立

孔子後爲褒聖侯以隨故紹聖侯孔嗣拯嫡子德倫爲嗣主者
施行

皇帝以乾封元年正月廿四日下

詔曰朕聞德契機神盛烈光於後代化成天地元功被於庶物
魯大司寇宣尼父孔邱資大聖之材屬衰周之末思欲屈已濟
俗宏道佐時應聘周流莫能見用想乘桴以永歎因獲麟而興
感於是垂素王之雅則正魯史之繁文播鴻業於一時昭景化
於千祀朕嗣膺寶歷祗奉睿圖憲章前王規矩先聖崇至公於
海內行大道於天下遂得八表乂安兩儀交泰功成化洽禮盛
樂和展采東巡廼興西土塗經茲境撫事興懷駐蹕荒區願爲
師友瞻望幽墓思承格言雖寢寢荒蕪餘基尙在靈廟虛寂微
烈猶存孟軻曰自生人以來未有若孔子者也微禹之歎旣深

褒崇之道宜峻可追贈太師庶年代雖遠式範令圖景業惟新
儀刑茂實其廟宇制度卑陋宜更加修造仍令三品一人以少
牢致祭褒聖侯德倫既承胤緒有異常流其子孫並宜免賦役
主者施行

兗州孔廟碑

此一行字體不類疑後人所刻

右皇太子宏表稱臣聞周師東邁尚閭延降軾之榮漢蹕西旋
夷門致抱關之想況泣麟曾躅歌鳳遙芬被緝禮於昌辰飾殊
榮於窮壤者伏惟

皇帝陛下資靈繞極稟粹登樞乃聖乃神體陰陽而不宰無爲
無事均雨露之莫和六符薦而太階平百寶臻而天祚永靈臺
所以復伯延間由其增絢尚爾尊賢邁鴻名於萬古興亡
繼絕騰峻軌於千齡大矣哉茂實英聲固無得而稱矣日者封

金帛吹會王梁陰路指

沂川塗經關里迴

鑾駐宇式監

堯禹之姿閭續凝旒載想溫良之德於是特紆宸渙贈以

太師爰命重臣申其奠醑廟堂卑陋重遣修營褒聖侯德倫子
孫咸蠲賦役臣

恩均扈從迹濫撫軍舊烈遺塵躬陪瞻眺零壇相圖欣覲前聞
又昔歲承

恩爾胃膠塾歷觀軒屏貝到門徒想仁學於顏曾彌深景慕採
風馭於竹帛冀啓顧蒙所以輕敢陳聞庶加褒贈

天慈下濟無隔異時咸登師保式光泉夜敢以前

恩重茲千請竊謂宣尼之廟重闡規摹桂奠蘭羞永傳終古崇
班峻禮式賁幽延而翠炎莫題言猷靡暢詢諸故實有所未周
且將聖自天惟幾應物拯人倫於已墜甄禮樂於既傾祖述勛

華三千勛其鑽仰憲章文武億兆遵其藏用豈可使汾川遺碣
獨擅於無慙峴岫餘文孤標於墮淚伏見前件孔廟營構畢功
峻業曾徵事資刊勒敢希

鴻澤令樹一碑徂遠海口夷九無徵發山東豐稔時踰恆歲況
鄒魯舊邦儒教所起刊勒之費未足爲多許其子來不日便就
乞特矜照遂此愚誠臣識昧恆規言慙通理塵黷鑒覽追贈悚
戰

勅旨依請

右二詔一表八分書二十五行行五十五字刻於碑陰上
截字徑寸餘

維乾封元年歲次景寅二月戊戌朔二日己亥

皇帝遣司稼正卿扶餘隆以少牢之奠致祭先聖孔宣父之靈

惟神玉鈞陳睨靈開四肘之源金醴流禎慶傳三命之範神資
越誕授山岳以騰英天縱彼高蘊河海而標狀折衷六藝宣創
九流睿乃生知靈非外弊於是考三古褒一言刊典謨定風什
莊敬之容畢備鐘鼓之音載和父子爰親君臣以穆蕩乎煥乎
樂正雅頌各得其所可不謂至聖矣夫勝以宸德嗣應神器式
崇祀配展義云亭感周禮之尙存悲紫王之獨注抒軸洙泗如
挹清瀾畱連舞雩似開金奏昌門曳練徒有生薑之疑漢曲移
舟非復祥萍之實慨然不已爰贈太師室宇卑陋仍命修造襲
聖子孫合門勿事庶能不遺百代助損益之可知永鑑千年同
比肩而爲友聿陳菲奠用旌無朽梅曙霞梁松春月牖德音暢
而無狀彤神忽其將口徼弗沫於生前亦知榮於身後尙饗

右祭告文八分書二十五行行十二字刻於碑陰下截字

徑寸餘

儀鳳二年七月訖功

右八分書一行刻於碑陰末行之中字徑一寸

明昌二年七月一日暴風折木壓其碑仆於地龜趺分爲二碑與字俱無害豈陰有所相而然耶九月一日復命工易以此座云提控修廟朝請大夫開州刺史高德裔記

右行書二行刻於碑陰上截表文之後字徑一寸

此碑文凡三十一行行八十二字徑一寸二分崔行功撰文孫師範八分書王元美云孫師範嘗書開元寺千佛記無書名而此碑分隸是初唐筆法尙有漢魏遺意也文中凡太字皆作泰磬字作磬銘云循性稱教循與脩通漢碑多以修爲循也爰畫先起依文義當作爰畫蓋刻者誤耳

文末作韻語又銘詞四字爲句末二句忽六字初唐人體格不拘類如此碑陰太宗封孔嗣恭爲褒聖侯詔一高宗新廟致祭免子孫賦役詔一皇太子宏請立碑表一乾封祭告文一末行但書儀鳳二年七月訖功無書人姓名筆意頗似前碑惟字多別體及錯謬通借者如商作尙極作極稟作稟雨作兩薦作薦僣作僣齒作齒罕作罕具列門徒具列作貝到慙作慙久無徵發久作九矜作矜追增悚戰增作贈戊戌作戊戌肅作肅莊作莊鼓作鼓朕以寡德朕作朕寡作寡嗣膺神恩膺作膺膺作膺皆是按太宗以武德九年卽位詔下於是年十二月尙未改元其稱太宗文武聖皇帝據上元元年改謚爲文也舊唐書高宗本紀乾封元年正月丙戌發自泰山甲午次曲阜縣幸孔子廟

贈追太師增修祠宇以少牢致祭其褒聖侯子孫竝免賦役與碑合是年正月戊辰朔甲午次曲阜在廿七日而詔以廿四日下蓋未至曲阜之前也祭告文云皇帝遣司稼正卿扶餘隆攷舊唐書職官志龍朔二年二月甲子改百司及官名以司農爲司稼卿爲正卿亦與碑合乾封元年詔令三品一人致祭司稼正卿卽三品也皇太子請立碑勅旨依請卽崔行功所撰者是也是碑文字無缺尙資攷證而不遭明昌之仆折誠如高德裔所記有鬼神陰相之者矣

棲霞寺造象鍾經碑

儀鳳四年四月立八分書碑高四尺五寸五分廣二尺七寸在魚臺縣西北十八里棲霞寺

大唐方與縣故棲霞寺講堂佛鍾經碑 □□□進士登仕郎

朱懷隱撰文 宣德郎騎都尉徐伯興書 太原王客師鐫

蓋聞香山猗構如來開說法之堂雪嶺疏基菩薩起安居之寺

藥龍宮於月路架迴舒丹浮鴈塔於雲□橫空盤翠是□重臺

累樹必控圓泉梵宇祇園多連山岳依而悟道就以知真至如

四月王宮六年法樹尊三乘之軌躅闢八正之□□得其門者

則豁尔天開迷其路者則宵然雲合雖復銀函東度玉宇南翻

象負之所不勝龍藏之所未盡莫不絕□問□□□□義高□

□□揚煙戾心蔭菩提之巨澤盡芥子於方城遊無礙之遐疆

承天衣於磐石欲明常住覺體生光將說真空□□微□□□

□養之國□八祇洹之城遂得夙悟苦空堅持戒行去妻子如

脫屣委家馬若遺塵竝託真乘咸歸正覺側聞造像沙門獲□

□□緬鏡成龍難漢取雄黃之樹敢緣斯義竊景前修各拾寶
財俱爲淨業靖信士張師曠騎都尉王善義邵行等敬造□□
□□□□量臬撰日開基擢脩幹於松巒採規模於梓匠梅梁
結彤望琤極以通光茭井披英泛銀河而蕩色虬檐霧閣風幌
□□□□□臨似度金娥之影霞忽曉徹疑窺玉女之容講座
衆於燈王聽筵多於方丈開寶忝之典闡金字之微言顯證
一□□□□慧□頃各解俱會真如清信士閻文襲王孩王慈
騎都尉司馬感張智靜司馬明遠等敬造一佛二菩薩洪鍾一
□多心經□部□刻浮檀如彫水玉毫光夕泛愛月凝輝紺彩
晨明慈雲結加洪鍾曉韻風傳浮磬之演法鼓齊驚聲颺孤桐
之嶺停酸□劫拯溺大□聞之者抑慈劍而斷惑繩聽之者搖
智鉤以離魔網洞崩雲之祕體葉字相暉極垂露之華蹤煙文

交暎抑□□□慮託六念以矜懷望樹階梯歸依勝業上爲
天皇天后皇太子藉此莊嚴□斯法本神明翊衛幽顯扶持
括地開源張□□極定阨□於寶思苞宇宙於神襟恆遊波若
之舩永陰菩提之日況乃圓泉隱暎密介猴池高木森疎依然
龍樹波舍日□□蕩菱光和□天衣仍亙蓋影前臨鄧邑星穹
開五色之疆却背砂丘天孫標九河之鎮迴接獲麟之野俯枕
觀魚之臺孔宣□□存魯□之望斯在周遊□□藻月思於
煙花登陟□□暢風襟於露葉雲如鵬翼忽已垂天樹異若華
翻能拂日足使廬山□□精舍均芳□□籠□仙都比麗庶憑
靈鑒共建豐碑行方與縣令通□郎宋元鳳銜命西秦佩銅□
□□職出宰□□□墨綬而司官寬猛相□韋茲竝□導之以
廉恥敦之以孝慈禮讓風行仁恩雨布□巨鱗於魚甸局逸輪

□□□數化一□□□舞鸞之化調風百里風均□蝗之風潔
類冰壺處脂膏而不潤明齊水鏡照隱伏而猶神靜詒圓狴騰
□□□丞鄭元□□□□□尉□□操竝冠蓋八川羽儀四
海含輝荆岫出則連城孕彩隨□生而照乘五墨究其枝派九
易竭其泉源水溢方□□□□□□□□□□國扇泛城影而
勸仙歌六藝兼須三端又備咸□□情慧略降意禪門屢陟雲
樓頻依日殿如來半影□□□□室之未修舍□全身之函恨
珠臺之未就俱抽正倅竝起噓心以儀風四年歲次己卯四月
庚戌朔八日丁巳畢功□□□□移河內之灰長巖戒辰氣
改淮南之燧交河合浦元免朱鷺竝入法流同聞甘露縱使蕭
正末扇毒火不然閭闔長開業□□□託斯妙力遐栖堯率之
宮馭彼勝因遠庀淨居之域囑通賢之綺構偶福地之韶規雖

敏惠終魁未擇菁於義窟思非揚鳳闕綢藻於詞林□□物
絨丹誠連□議因機染素竊會□林輒扣庸音聊□腐翰式旌
盛事迺緝銘云其詞曰

星光早落劫燼初開□□度

白馬西來祗沮有廟波若成臺方逢飛錫乃遇乘林

其妙覺是

生真如首出德侔造化功苞權實橫流法雨高浮慧日□□

魂優填苙律

其

神工構極淨域開場日華蓮井霞照梅梁雕楹

王傍鏤檻金裝應龍若動威鳳疑翔

其

天孫却背星弩前通扣

口見蟬枕綺繩蒙洞山清露磬水吟風高平草綠大野花紅

其

納衣梵志蓮花長者望月知虛聞鍾識假竝甘蟬蛻咸能喜捨

永甯天供長充鹿野

其

梁岑勒峻燕嶠銘勳矧伊綺構闕紀餘

芬才非擲地念惠臨雲聲騰永劫義屬斯文

右碑孫淵如觀察於嘉慶丙辰訪得拓寄文二十九行行

四十九字徑七分按唐武德四年置金州領方與金鄉二縣五年改金州爲戴州廢爲縣同方與隸兗州至寶歷初始改方與爲魚臺縣此碑題曰方與正與戴縣同隸兗州之時也碑載縣令宋元鳳及縣丞尉政績頗有可傳而縣志皆不載其姓名何耶

調露造像殘碑

調露元年七月立正書碑高七尺廣二尺在濟寧州河長口關忠義廟

右碑首題口唐調露元年歲次口卯七月己卯朔云云餘皆漫滅可辨者祇百餘字多不成句末行有張君字造象者蓋卽張君矣

省堂寺殘碑

永隆元年四月立書在莒州泰山東麓

右碑爲州牧許

紹錦

訪得以州境僻遠拓工難覓手錄此

文寄予其文云第一行剝泐不可辨第二行可辨者廼山
掀海經天緯地等字第三行有密州莒縣慕賢里等字第
四行有正議大夫王須達孫定國東莞縣正寧道顯等字
第五行有武騎尉孫子貴飛騎尉徐道等字第六行有張
仕達唐德威副督公亮等字第七行有台三十六人等共
捨五家之財建立佛堂等字第八行有於是運石他山求
師外國等字第九行有丹道崑崙等字第十行有雕題刻
削等字第十一行有妝敵以洛浦之珠雕繪以藍田之寶
等字第十二行有輕雲映月等字第十三行有伏惟國主
帝王等字第十四行有沸騰縱橫巖嵬等字第十五行十

六行有瓊田香草繡栢文桐交柯相映等字第十七行有
鳬雁鴛鴦等字第十八行有重申言頌其詞曰等字第十
九行有元氣混沌之初陰陽創建○居○諸等字第二十
行二十一行有東西正直南北相當如來湛湛著薩陽陽
等字第二十二行有不敷春秋不落秋冬等字第二十三
行止半行文更漫滅第二十四行有大唐永口元年歲次
庚口四月等字餘皆不可見云案所錄皆審止無訛惟不
敷春秋不落秋冬上句重一秋字當是夏字之訛又永下
空一字唐以求紀號者凡六求徽求隆求淳求昌求泰求
貞惟永隆元年是庚辰此碑元年下有庚字爲永隆無疑
也

證聖二年八月立正書篆額碑高三尺五寸五分廣一尺

八寸未詳立石所在

割牛溝小石橋之碑 額二行長一寸五分橫一寸二分

大周蔡瑩元羣歲次乙未八月景子朔二日丁丑

若夫三空凝笏至衡之理難窮四諦沖元真如之宗莫 下闕 解

猶迷 下闕 聖之津千葉高尻未靜輪迴之 下闕 至若表風 下闕 或究

有象自 下闕 乍鑿无生法忍自非理心 下闕 慧 下闕 於 下闕 慈福

已毒於既往是以花臺瑤塔孰有想於知歸舟 下闕 迷復使靈

功永著者其熟能向於津梁乎 下闕 割牛溝壞石 下闕 以要盟之

代南北爲爭長之途市義之 下闕 西作送迎之 下闕 人馬駢闐

駟傳 下闕 郵停驂駐軾斯橋所主 下闕 始於茲代序 下闕 以 下闕 移壑

變刊創莫知義跡元功德音不嗣我大唐 下闕 大平乘龍審輔

駕象□□道□□元仁流下□五神人侍

下闕

撿玉云亭銷金

岱嶽乾封元年二⑤南巡龍輿戒此以

下闕

直東津棧木爲梁

旣聖迹神行不敢湮廢以堊堊元季

下闕

菁尔□堊□前臨

廣□炎精曜魄之場却負蕃郊維周卜

下闕

磬□□湍□□瀨

而流音左帶□□石暎霞而照錦實聖賢

下闕

之□□者焉有

清信士王寶詮朱元英韓宏澤朱元粹廿

下闕

爪屢其報知因

極之難追爰發菩提共崇斯果恐高岍爲谷

下闕

堊□人□敬

刊真石翼騰名于万古慶千齡而不易廼爲銘

下闕

味三空妙

黑鶴林隱駕龍宮祕識閱此輪迴孰知其極

下闕

有□□□□

勛三途⑥墜肇建⑦梁□崇遐懿恐波遷

下闕

右碑篆額兩旁及上截皆刻姓名下截文十九行字徑八

分首題大周堊堊元華歲次乙未八⑧云云按堊堊爲證

聖制字是年九月卽改元天冊萬歲矣

李弼徽造像碑

長安二年十一月立并側俱正背碑高六尺五寸廣一尺六寸在金鄉縣寨里廢寺

若夫溫席扇枕養性之道存焉塗車蒿露送終之儀見矣然未能棺中說法置親於忉利之宮墜下乘杯救母於阿鼻之獄名言之所不測報應之所潛通唯我大雄口斯普濟金鄉縣埵溝村李弼徽孝心而至純德寶符追惟顧腹之恩願假菩提之力謹爲亡考見存母醵碑像一龕口口踊出石口口口光吐而世界口口口口而魔波伏以斯功德口報効口惟願五濁恆清三災不染乘斯寶筏迥入禪河因彼口輪趺超火宅上沾有頂下漏無根俱就福山咸昇彼岸以大周長安二季歲次壬寅十一

匪甲子朔十五日戊寅其功方就託此口因爲聖神 皇帝下
爲含言俱登而覺銘曰

孝子不匿菩薩口生以斯法忍口護慈

下闕

右碑分三層上層刻佛像兩旁各題字一行上端又有明
人續刻十六字座間橫列惟弼徽數字可辨中層刻心經
一卷下層卽所錄敘銘一段不著書撰姓名文中多武后
制字兩側施主姓氏亦磨泐文中土匜是十一匜

長安造像殘碑

長安二年十二月刻正書石高一尺八寸廣一尺七寸在
曲阜縣

右造像殘碑中幅刻佛像左題大周長安年月一行碑陰
存字十四行字徑一寸立碑姓名皆有殘闕朱朗齋從它處

借錄竝云舊在兗州牛氏今爲顏運生攜歸曲阜

駝山造像題字十五種

年月書體詳後在益都縣駝山

一題長安三十月十九日李懷膺造象記高文熊書凡三行行書大小不等在北洞石壁三十脫一年字

一題像主比邱僧法韶七字正書徑一寸五分在南洞石壁

一題像主張真妙敬造无量壽一軀二行正書徑寸在南洞佛龕下

一題像主冒忽爲亡父母敬造无量壽二行正書徑寸在南洞佛像旁

一題長安二華辰口七匝庚辰朔五日壬子青州益縣佛

弟子尹思貞造像記九行行書徑八分在北洞南石壁益縣蓋是益都縣省文耳

一題像主馬摩耶敬造无量壽一軀二行正書徑寸在南洞佛像旁

一題□□□比邱僧供養佛時二行正書徑寸在南洞佛像旁時字下似紀年月惜文未全也

一題像主比邱尼道仁一行正書征八分在南洞石壁

一題像主樂安郡沙門都僧蓋二行正書徑寸三分在南洞佛像下字畫端正門字從篆法案舊唐書地理志樂安隋縣武德二年屬萊州州廢屬青州此稱樂安郡者庸僧不諳掌故妄以千乘有樂安之名遂加郡字也沙門都當如元魏釋老志沙門統之謂唐史無文可藉以補之

一題大像主青州總管柱國平衆公三行徑一寸五分布在南洞佛座下案元和郡縣志武德四年海岱平定改爲青州總管府舊唐書地理志武德四年置青州總管府七年改總管曰都督則此稱青州總管者不出武德五六年間矣平衆卽平桑祿書變體

一題長安二重三匝廿①戊辰廿六日癸巳前羽林郎任元覽奉勅於紫象軍徒敬造觀世音菩薩一軀云云十二行正書徑五分布在北洞石壁任元覽稱羽林郎案唐書左右羽林軍有左右中郎一人紫象軍或疑象是蒙字段赤亭云唐制天下十道置府五百六十四軍衛各有名號如參旗鼓旗天紀天節之類不悉載於兵志此云紫象亦足以廣見聞也廿六日癸巳則戊辰當是朔日

一題潘父爲父母法界衆生造彌勒一軀二行正書徑八分在南洞佛象旁

一題潘父妻王爲亡父母敬造像一軀二行正書徑一寸餘在南洞佛象旁

一題比邱尼先等造像四行正書徑一寸五分在南洞旁佛像下

一題儀同三司青州總管府長史趙良供養儀同裏郡君張供養佛五行正書徑七分在南洞佛像旁案唐書職官志總管後改爲都督其屬有長史一人據此碑則未改之時已設此員久矣地里志武德四年置總管府七年改爲都督職官志作武德四年又改爲都督者誤也

長安三年刻正書石高九寸廣八寸在益都縣雲門山陽
佛龕下

右刻凡七行首題城北社衆共施門記次施主姓名十人
後題大周癸卯歲記癸卯乃武后長安三年也

僧九定等造象記

先天二年九月刻正書石高八寸五分廣一尺二寸在窰
州府興隆寺大殿壁間

右石中鑿爲龕刻佛象五軀四周題大唐先天二年九月
十二月僧九定等造象記其中后字作右匠字作返皆別
體

晉陽府君精舍碑

無年月正書額八分書碑高七尺三寸廣二寸六寸在濟

寧州晉陽山慈雲寺

右碑文凡二十三行書兼隸體磨泐已甚祇存百餘字有
開皇九年及任城尉等字惜上下皆缺不能詳考也碑額
題晉陽府君精舍之碑四行八分書字徑四寸兩旁刻願
皇帝萬年天后萬歲正書一行黃小松司馬於乾隆戊申
六月過此山搜得之

太清觀殘碑

神龍元年九月立搨本高二尺五寸廣一尺三寸在蒙陰

縣南樓社太清觀

大唐沂州

闕下

粵以仙圖寂寞

闕下

規玉府將成不滓之

闕下

教淪胥法口無觸石之期慾火起炎嶷之焰其後馬鳴龍下

業之口言摩膺法蘭傳貫花之寶偈爰有清信仕顏文資廿餘

闕下

等竝兒隣松助慈兒三人居郡瑯琊兄文枋陸口口鯉躍孝悌

闕下

義口鄉孔子龍蹲禮樂詩書之國共成勝業載結良緣捨難捨

闕下

口成未成之業口於英固之力聖水之際奉爲

皇帝 師僧父母敬造老子三尊一口刊口以畢莊嚴乃成

金闕下

以蜀口唐德口有口施真宗口勒鄭口理口口旋法力式旌其

事口

闕下

乃作銘曰

□□下雞足巖□三尊既立勝業橫開斜

臨闕

鳴花過秋蜂□□□斯畢妙福長該□我功德□我能□業超

十闕下

□□□三天唯則□空□盡劫未灰燃庶瓊碑□

闕下

□金□□神龍元年歲次乙巳九月戊寅朔

右碑存字十四行字徑七分下截殘損標題但有大唐沂州四字惟末行神龍年月猶全

范洪恩等造象記

神龍二年九月立正書石高一尺二寸五分廣一尺四寸五分在滋陽縣馬青邨

右刻大唐神龍二年歲次景午九月壬寅朔廿五日景寅

范洪恩內外眷屬等敬造七級浮圖一所石像三軀云云
十行字徑九分末一行刻八月十日起手十月了九字

邵邨造塔記

景龍三年五月刻正書石高二尺一寸廣一尺四寸在益
都縣福勝院

右碑文并施主姓名凡十行後刻云金明昌五年三月再
建案記云維大唐景龍三年歲次己酉五月丁巳朔二十
三日己卯諸邵邨老幼咸願普飯爭解之心敬造五級石
塔一所并彌勒像一鋪上爲膺天皇帝陛下云云攷唐書
中宗紀神龍元年十一月戊寅上尊號曰應天皇帝景龍
元年八月丙戌上尊號曰應天神龍皇帝記文在景龍三
年不書四字尊號又應天訛作膺天皆鄉人無知者所爲

也後文北接雙堂南府樂安府亦俯字之訛諸鄧邨者段
赤亭據北齊書幼帝紀云周師漸逼太上皇置金囊于鞍
後與韓長鸞淑妃等十數騎至青州南鄧村爲周將尉遲
綱所獲旣云南鄧村必對北鄧而言故碑以諸鄧概之也
神通寺四門塔造象記

景龍三年七月刻正書石高四寸二分廣九寸五分在歷
城縣神通寺東四門塔內

右刻首題維大唐景龍三年歲次己酉七月戊午朔四日
甲寅比耶尼无畏沙彌尼妙法云云造象記十二行正書
大小不等此刻縣志失載

紀元大造象碑

景雲元年十一月立正書碑高三尺六寸廣一尺八寸在

鄒縣東北土江村天齊廟

右碑額鐫佛象三軀右有題字三行云○梁郡上柱國右
閣下○前天兵軍扶餘○艸奏部○
波若○
史陳寶田菩薩十地文義皆不聯貫佛象下題記九行是
敘述造象緣起其詞曰之後尙有五行俱漫滅不能摹錄
此碑大略紀元大之祖有廟建廟未遂而卒元大奉遺命
成之又稱亡祖卒於私第則碑額所載天兵軍云云當卽
其祖宦蹟惜無從得其原委矣

萊州刺史唐貞休德政碑

無年月八分書隸額碑高五尺一寸廣三尺在萊州府治
聽事西牆下

大唐萊州刺史唐府君德政碑

額四行字徑三寸

大唐萊州刺史唐府君德政碑

字五

□□□郎行□□都督府

功曹參軍

闕下

□□□王之經始萬國平章

闕下岳之下

□□及□□□之刺永□又

闕下

□□之□姓□□間□□□乎佩玉鉤金□代帝

闕下

□□□西遷濟州萊□□□背□□不頗淮南之師

闕下同

開國公食邑五百戶□□忠武曾祖陵幼負雄□□□祖

闕下公

闕下

□雍容□文雅□□道入朝□欲□以文□之任

闕下

平壽公□日達□□□從□□□舍人華州華陰縣令長岑住

闕夜

闕下

尚書虞部員外郎出爲簡州長史器□中□神用

闕下主

闕

致醇醴邦族榮之公則簡州長史之第二子也□骨不□□□

□異俗□□□度

下闕

之座暗記通家過蔡邕之門遙聞倒屣聲華藉甚朝野

下闕

州司功參軍事州廢改授華州司倉參軍事戶役□□□甲茲

鴻漸

下闕而闕

繼與頓動將幸離宮乃先授公岐州扶風縣令公上□□□□

顏下矜

下闕

異政聞恩勅加公朝散大夫雍州奉天縣令屬

空三

大聖

皇后

下闕

拜空一安國相王府諮議參軍事俄遷尙書比部郎中朝辭蘭

苑夕趣芸閣

下闕

州洛陽縣令□滿親勳里徧豪貴萬方都會之邑百賈駢羅之

所公冰鏡照人

下

之未直坐堂無訟近巷有歌久之下

制曰洛陽縣令唐口

口理口精密幹能

下

持節萊州諸軍事萊州刺史公拜受

空四

王命長驅棄服亦既

下車卽敷惠理訓

下

學行移農桑口四壁之孤貧資其食業變一出之口口勸以淳

和設法而惡子革心

下

數多微剝尤切公審知難辨表請延期遂得物免流離人銳耕

口風雨調順禾口盈口口口之惠也

加下

從於私門口紛爭於公室不然官燭但飲吳水文翁之臨蜀郡

曷足可稱口口之牧口川

下

國家妙擇人英樹之司收貪官黜吏口以澄清特

制加公

通議大夫使持節

闕下

三品所管州刺史有犯停務奏聞長史以下便令解任仍令馳

驛赴職合

闕下

卧途不遂吳郡之牽雷伯道擁帥何追乃相與言□□□易□

□□□久頌

闕下

唐之□姓物難稱者國自堯封家分周社世載英彥門傳

闕下貽

厥

闕下

雖園夕遊璵間兼倚難理委之□末

其二

下車敷化威動神行

闕下

城俗

闕下

歲遼間□牧念彼何親奪我何速□子懷戀以途興與翠琬

闕下

右碑文二十八行字徑七分下截漫滅撰書姓名及年月

俱不可見錢辛楣少詹攷證此碑以趙氏金石錄有萊州

刺史于府君碑沙門重開八分書開元十年七月立今按

此碑亦八分書以年代攷之正相近疑德甫所收卽此後

人轉寫誤唐爲于爾元案碑言口州司功參軍事州廢改

授華州司倉參軍事下云鑾輿傾動將幸離官乃先授扶

風縣令案扶風與麟遊比近以新唐書地里志徵之麟遊

有九成宮永徽三年曰萬年宮乾封二年復曰九成又西

二十里有永安宮蓋當時有事幸此因以貞休吏幹豫爲

之供張歐又云拜安國相王府諮議參軍事舊唐書中宗

初卽位相王加號安國及貞休由萊州刺史遷都督以去

亦在景雲二年六月壬午依漢代故事分置二十四都督

府後也貞休居官更歷高宗中宗睿宗三帝事蹟可推者

如是是碑舊在萊州府署大門外多爲民吏污毀徐太守

大禿
始拂拭之遷置聽事西牆下

平昌寺造象記

景雲二年口月刻正書石高三寸五分廣一尺四寸在益
都縣平昌社彌勒寺

右題大唐景雲二年歲次辛亥口月景口朔廿四日口亥
平口口村等云云造象記十五行行四字徑八分朱朗齋
云此刻書法端勁酷類景龍觀鐘銘唐人造象中以此爲
最